

**PARIS'EN IZAN ZAN**  
**BERTSOLARI-SAIAKETAREN AZALPENA**

1958<sup>1</sup>

Lenengo «banda» uts xamar degu; asko galdu da. Artu izan dana emen dijoa).

..... bakoitzak bina bertso botako ditu.

*Uztapide:* Ara zertxo lan eman didaten  
Lenez neukana goguan;  
Bestela zer esan pentsatzeko  
Toki txarrean nenguan.  
Euskaldun asko ezbagerade  
Zabaldurikan munduan,  
Banaka batzuk juntatu gera  
Gaur, emen, alkarren onduan,  
Baño eztakit urrutineko  
anaia zeñek nun duan.

\* \* \*

---

1. Inoiz argitaratu ez den txapelketaren agiriok J. Zaitegi zenaren paperetan aurkituak dira Euskaltzaindiaren Azkue Bibliotekan, eta historiari zor zaiola iduritu zaigunez hara hemen *Egan*-en orrialdeetan (*Argitaratzaileen oharra*).

Nagusi batek agindu zian  
Nik kendu biar txapela;  
Badakit orren aurka  
Itzik ezin egiñ ditekela.  
Euskaldunak txit gutxi gerade,  
Len ere esan det onela,  
Danak banatzen gerade berriz  
Ardi galduak bezela;  
Danak batera juntatu arren,  
Pixkat indar gaitzela.

*Basarri:* Peris'ko euskaldun jende jatorra,  
Ara ementxe batuta,  
Anai-arreba pranko badegu  
Gaur onuntz inguratua;  
Ameriketan zenbat dabillen...  
Etxetik urrutiratua:  
Egun onetan aiekin degu  
Gorputza eta gogua.  
Jaunari esker egin baitegu  
Emen biltzeko modua;  
Era ontako alkartasunez  
Alaitzen da mundua,  
Berriz ere autatu zagan  
Onelakoxe lekua:  
Irrintzi eta zantzo egiteko,  
Iritxi baita ordua.  
Bertsolariak ager gaur goitik,  
Bertsoa eta kantua,  
Eman eta zabaldu dezagun  
Mundu guzian frutuba.

\* \* \*

Arrantzaliak boga ta boga  
Beti itxaso aundian,  
Artzai mutilla txistu ta kanta  
Or ikusten da mendian.  
Nekazariak beren lurretan  
Ari baitira lanian,  
Igande egunez gu euskaldunok  
Ementxen aldamenian,  
Bein biar eta gure erria  
Dago umore onean,  
Eguzkiare dizdiratsu  
Goizetik zeru gainean,  
Auxen da poza kabitu eziña  
Edertasun au ikustian.  
Zar eta gazte aundi ta txiki  
Guziok alkartian,  
Maitetasunez bildu bai gera  
Gaur festa eder batean...  
Anai arrebak ezta bildurrik  
Ola gabiltzen artian.

*Mattin:*

Bertsu lanari asi bear dut,  
Zabal dituzte atea,  
Eta ni ere bortxatua naiz  
Dakizkidanak erraiteak.  
Eskualdun seme ta alabak zaitze  
Batzuek eta besteak,  
Eskual-Erriko amodioa  
Biotzak ongi beteak,  
Nere partetik agurtzen zautzet  
Anai arreba maiteak.

\* \* \*

Bakar batzuek emen bagira  
Eta Urruñe'n bertzeak,  
Denak batian bagine emen  
Ezleizke gure kalteak.  
Ameriketan zenbait baditu  
Gure anaien parteak,  
Nere biotzak kasik lertzen du  
Ez emen izaiteak...  
Radioan bidez agurtzen ditut  
Batzuek ala bertzeak.

*Xalbador:* Gaur emen eman bear nituzke  
Kanta batzu bereziak.  
Dudan ahala tipitzen dean  
Nondik ezin aziak.  
Aldakit ere aste-astetik  
Guzieri gorantziak.  
Agurtzen ditut emengo euskaldun  
Eta etxian utziak,  
Batere berex ere eman gabe  
Munduan dauden guziak.

\* \* \*

Ene biotza zabal baneza  
Artuko nuke atsegin;  
Erabez nago urturik  
Eta nahi dizuet egun ezin.  
Oi eskualdunak egin dezagun  
Gure botu edo gaurtzi,  
Ez du inporta bat emen eta  
Bertzia an bizi dedin,  
Biotzez bederen alkartu  
Eskuara bat egin dadin.

Jaun-andreak: Biotz-miñez astera nijoakizue bigarren saioa zuei presentatzera. Biotz-min ori aundiagotu zait Dasanz jauna emen ikusita. Urterik urte eta txapelketaz txapelketa, gaur ohoratzen degun gizona, apeza, eta Dasanz jauna beti alkarrekin baiziran. Dasanz jauna emen ikusirik etzait iruditzen Oxobi jauna bazterren batean ikusi bear ez dedanik. Bañan zoritxarrez ala da. Otoitz egin degu goizean bere ohorez eta orain bertsolariak eskeñiko diote beren omena.

Bertsolariei itza utzi aurretik bertso batzuek irakurri nai ditut; Oxobi zanak bere adixkide Monseñor Saint Pierre ill zanean onen oroitzapenez idatzi zitun bertsuak. Oxobi jauna ezagutzen zenutenok ikusiko dezute beriala olerki au entzutian, bera emen balitz bezala dela: ez baita beste iñor Oxobi'k bezala idazten zuanik Gaur goizean Txarritton jaunak erraiten zigun Arrangoitzera joaten danean eta ango xantrea entzun beti berdin iruditzen zaiola: «To, Oxobi emen dek». Olako olerki bat irakurtzen dezutenean bai erran daitekela: Au Oxobi da, beste iñork ezin dezake ola idatzi. Entzun Oxobi jaunak, Oxobi zanak, Monseñor Saint Pierreri eskeñi zion otoitza; eta itz beroiek artuta Oxobi'ri eskeñiko dizkiogu. (Ernandorena'k itz oien ondoren olerkia irakurri du. Ez det artu, berak izango baitu).

(Olerkia irakurri ondoren beste itzok esaten ditu Ernandorena'k).

Orain irakurriko ditut beste bertsoño batzuk. Oxobi ill zanean Larreko izenpetzen duanak eskeñi zizkionak.

(Larreko'ren olerkia).

(Emen bukatzen da lenengo «banda»).

(Lenengo «banda» eta bigarrenaren artean Uztapide'n jarduna falta da; Oxobi'tzazkoa alegia. Basarri'renarekin asten da bigarrena).

**Basarri:** Oxobi jaunak idazten zuben  
Oso xamur eta erraz,  
Alegi edo ipui batzuek  
Emanaz egi tankeraz.  
Itz guziak ondo josiak,  
Aparta baizan joskeraz;  
Gaiak erabiltzen zitun  
Nai zuen aukeraz,  
Euskaldun danok arenganako  
Zorretan gaude gaur beraz;  
Illa zala jakin-ta  
Guziok gelditu bai giñan penaz.  
Zer galera guk beste mundura  
Gizonaren irteeraz:  
Arek baizuan almen bizi bat,  
Izana beti bere eraz,  
Lafontaine eta Samaniego  
Bizkor baiziran erderaz,  
Baño Oxobi añakorikan,  
Izan al degu euskeraz?

\* \* \*

Luto edo doluz gelditu ziran  
Basuak eta mendiak,  
Negar egintzun artzai mutillak,  
Ta negar arrantzaliak,  
Askoz geiago liburutatik  
Dauden gizon ikasiak...  
Oxobi zein zan bear bezala  
Eztaki mundu guziak.  
Tristetu giñan zarrak eta  
Tristetu giñan gazteak.  
Gizon ura beste mundura  
Zijoala ikusteak  
Zartada aundi bat eman baizigun  
Oxobi'n illen berriak...  
Geuk ez dakigu zer gizon  
Galdu digun Euskalerriak.

*Mattin:*

Oxobi zertzen nik eztut segur  
Irakurtu liburuan,  
Ameka aldiz gertatu bainaiz  
Apezaren inguruan.  
Ori ikusita gaiztoa al zela  
Ya askotan nindagoan,  
Baño segurki probatua du  
Ongi ikusi onduan,  
Biotz obeko gizonik ba nik,  
Eztut uste munduan.

\* \* \*

Jinkoak emanik gizon bakotxak,  
Baitu bere alderdiak,  
Partikularrak izandu ditu  
Gure Oxobi aundiak.  
Eskuara maite zuela dakit,  
Eta maite bertsolariak;  
Ortaz oroitzuz orain emen,  
Bustitzen zaizkit begiak.  
Etzazula, otoi, iltzeraz utzi,  
Eman diguzun argiak.

*Xalbador:*

Oxobi zena maiz ikusi dut  
Ezbagin edo lilletan,  
Bertsuak ere egin izan dut  
Berarek eman-gaietan.  
Arren erranak kunplitu ditut  
Beti danik leietan,  
Aren soinua oraino ez da  
deuseztu belarrietan.  
Zure itzala ez da joanen  
Oroitz Eskualerrietan.

\* \* \*

Lehen-lehenik zure aurrean  
Nintzan bertsutan ni ari,  
Eta oroi naiz zer gai zuk ere  
Zinez dautazun ezarri.  
Zu ikusteko so egin bear  
Dugu orai zeruari.  
Orainik ere zure laguntza  
Gainetik bedi etorri:  
Zaude zerutik Oxobi zena  
Gure urratsen gidari.

Kopa au Euskal-Kulturaren Alde deritzan batzordeak emana dezute. Bi eman zituan. Bat Urruña'n jokatu zan eta Basarri'k irabazi zun. Beraz, gaurko saio ontan, Basarri'k leiaz kanpora kantatuko du, baño nai izan du kopa ori utzi, beste iruak irabaz dezaten: onena izaten denak. Au izango dute gaia: Zer egin leitekean euskeraren galtze izugarri onetan, eta zer egin leitekean olako itxura txarretik goratzeko, altxatzeko, edo berpizteko. Beraz, Uztapide asiko da eta besteak segituko dute, baino Basarri'k kantatuko du, esan bezela, konkurretik kanpo... Gaia ez baitute ondo ulertu: Euskera, dagon larritasun aldi ontatik altxatzeko edo goratzeko zer egin liteken. Bina bertso.

*Uztapide:* Ara nundikan egin diraten  
Berriro ere imurtzi,  
Badakizute, iuian esanik,  
Ezin egin gabe utzi.  
Gaur desgraziz, bai,  
Itzegiten da euskeraz  
Denen txit gutxi.  
Orla bagoaz izkuntza galdu  
Bear da biar edo etzi;  
Geuk dakiguna egiten jarri  
Eta dakiguna erakutsi.

\* \* \*



Ia argitzen degun ba denok  
Gure memori ariña,  
Euskera bizirik eukitzeko  
Badaukagu zer egiña.  
Eta siñistu zein dan be'a  
Bezin garbi ta berdiña,  
Seaskan giñan artean gure  
Amak goxo itzegiña.  
Orreri eusten saia gindezke  
Seme jatorrak bagiña.

*Basarri:*

Pamilietan egin bear da  
Izkuntza asko ugaldtu,  
Umetxoari ere erakutsi  
Sekula ez dedin galdu.  
Eriotzatik laxter atera,  
Eskola asko zabaldu,  
Gure euskerak iraut ezkeru  
Orixen egin bear du.

\* \* \*

Etxeko gauza utsakin gabiltz  
Ta badegu milla neke,  
Beste izkuntza bat  
Ola non dagon  
Nik ori jakin nai nuke.  
Prantzezez eta inglez ez  
Laguntzik ez balitzake,  
Gure euskera dagon bezin  
Gaxo egongo lirake.

*Mattin:*

Pena aundia eman lezaken  
Eskuara onen galtzeak,  
Ontan ari nai zaituztet  
Oroi guraso maiteak.  
Kargatzen zautzet  
Eskualdun gixa  
Unen irakusteak,  
Lenik eskuara trebe zazute  
Otoitzen aur maiteak.

\* \* \*

Nik ere ondo konprenditu dut  
Basarri unen errana,  
Bainan eskuara nere gustoko  
Lehenik gurasoen lana.  
Gaurko eskolak bertze lekutan  
Izpiritua be ama,  
Lengo aietan erran leitake  
Oin goxoki «oi ama».

*Xalbador:*

Prantzezez mintzo entzunetanik  
Ezin naiteke konsola.  
Bai, eskuara salba ditake,  
Erranen daitzuet nola.  
Aurrak eskuaraz mintza daitezen  
Beren seaskan daudela;  
Gure penian beti aisiago  
Legatzen baita arbola.

\* \* \*

Oi eskuara gauza ederra,  
Nola baitzire gurea,  
Gaur erazoak datzal bateko  
Ezetz ilerik batea.  
Zuri urbildik jarrai dabillen  
Jinko Jaunaren legea,  
Bai eskuara galdu litake  
Lagun ezbalu berea.

Aski degu eta gai seriosoetatik par pitin bat egiten asi bear degu. Onuzkero zaletuta baizaudezte. Asiko zaizkizue Basarri eta Mattin. Alaba oso moñoña daukan gizon bat da Basarri. Mattin berriz gizon gazte bat dezute, artakua, eta Basarri'ren alaba moñoña ori nai luke bereganatu. Beraz, Mattin asiko da eta bere moñoñaren aitari presentatuko zaio.

*Mattin:* Bertso bat preparatu dut nik zure galdetzat, Asko eta egiak baitira ametsak.  
Una orain zer dion, Gaur ene biotzak,  
Emanen nauzun alaba zuk otoi andretzat?

*Basarri:* Ixilikan ez degu luzaro iraungo,  
Ai, nere alabatxoa ain moñoña dago,  
Au atzetikan zebillen gaur baño lenago,  
Alperrikan zabiltza, ez dizut emango.

*Mattin:* Zuk ola erran arren, ez du ez inportik,  
Galdia egina nazu ni nere partetik.  
Alabak maite bainau biotz-biotzetik,  
Noizpait konponduko gira gu aitarengatik?

*Basarri:* Aspaldi somatzen dut alaba atian,  
Egunez ezta atrebitzen baño arratsian.  
Metro ta laurden ezta izango luzian;  
Olako sua zertako det ba nik etxian?

*Mattin:* Okasio untaz beaz baliatu,  
Enaiz kalkulik egin gabe, aita, abiatu,  
Izpirituzko gauza baitut nik miatu,  
Bertzela ezin dezaket kaltza kanbiatu.

*Basarri:* Sarritan ditu onek ertera trebiak,  
Edozer esaten baitu lotsikan gabiak.  
Arrosarenak daduzka arek koloriak,  
Sobrere badauzka zuk baño obiak.

**Mattin:** Beti gaizki artzen nau galdea emanda  
Alere Basarri ezta eina ohea antza;  
Alaba alde daukat baina kontra daukat aita,  
Erran ezdaki, zuretzat zertan dutan nik falta?

**Basarri:** Batzutan txarrian eta beste batzutan on  
Munduan bagera onelako amaika gizon,  
Lenago ni onekin bromaz asarre negon,  
Berakin konpondu zaite nigatiz or konpon!

**Mattin:** Ezkontz ori bear diogu oraingoak utzi,  
Ni zure mutil bainaiz, zu berriz nausi.  
Alkarri karraxutarra bear dugu utzi,  
Ni suitzat izan eta pakean biak bizi.

**Basarri:** Aspaldin ezdut eduki onelako plantik,  
Gure artian ezta paltatuko kantik,  
Aitak lagunduko dio emen edo ortik,  
Bera portatzen bada neri ezdit inportik.

Oraingo izango dira Xalbador donado edo multil-zar eta  
Uztapide gizon ezkontdua:

**Uztapide:** Emandako suiatarik ezin emen kendu,  
Ta Ernandorena jaunak auxe esaten du:  
Ni nintzala gaur baño lenago ezkontdu;  
Onek egitekotan garaia omen du.

**Xalbador:** Ezkontu oien berri ikasi dut beti,  
Baño gorrotorikan ez diotet atxiki,  
Au ikusita ola postura egoki,  
Zu etzira bizitzen ni baño obeki.

**Uztapide:** Ezkontzen saiatu zaite zu egiñalean,  
Nola akabazko tratu ortan estalian,  
Mutil-zar asko gaizki mundu zabalian,  
Amarretik seik lo egin oi dute kalian.

*Xalbador:* Bañon alegre azaldu lo egin da gero,  
Ostian ongi izatia ezpaitu espero.  
Mamurrez bizi zerate ezkonduak oro,  
Nik eztut nai korbatikan naiago dut libre.

*Uztapide:* Berriz ere erantzun bear dizut bereala,  
Ezkondu obe dezula nola edo ala.  
Gaur bizkor egon arren zartzera makala,  
Atzen orduan izango dezu ospitala.

*Xalbador:* Zu ezkontzean arritu izan zen mundua,  
Laguna artu zinuben egin gabe ordua.  
Xalbador prantxarik gabe beti aintzina dua,  
Naiko zentzun artzazu zeaturen burua.

*Uztapide:* Lagun gera-ta, itzegin bear dizut suabe,  
Gero zartzian izan ez dezazun naigabe.  
Ezkondata ezta egiten milloiairen jabe,  
Baño ez leike ondo bizi emakume gabe.

*Xalbador:* Gazterik artu zenuben leptokan soka,  
Altza begiratzeko ariz nintzaizun otoizka.  
Tabernan edan eta zerbeza edo kopa  
Etixerakoan segur dezu andriaren mokoka.

*Uztapide:* Zuk ere esanda ezdauzkat oiek ikasiak,  
Eztira ezkondata ongi bizitzen guziak,  
Batzuk daude matrimonio ziara ausiak  
Baño errieta oiek dira ongi mereziak.

*Xalbador:* Barnatago Uztapide nai nuke sartu  
Ni donado zarra naiz geiau nai dut sartu,  
Etzazula gero gaizki enegatik sortu,  
Pakiaz nai duenak ez andrerikan artu,

*Uztapide:* Nik urrutitik ditu gauzak ikusitzen  
Eta zure asi zaite nigan ikasitzen,  
Laxter asten ez bazera semiak azitzen,  
Lan txarra da zartzian itxuran ibiltzen.

*Xalbador:* Donadotako gogoia deraukat nik sano,  
Pakean edanen dut zenbait baso arno,  
Ezkontzerik ez dut pentsa iñoiz egin bano,  
Donado obe da gaizki ezkondurik baino.

Lenengo partia bukatuko degu oraingo saiaketa onekin.  
Lauak jardungo dira errezkaran, batek asi eta bestiak segi,  
bertsu bukatu arte. Beste seien bat saio egingo dituzte. Lau-  
na puntu.

*Uztapide:* Orain bertsuari eman danek puntu bana,  
*Basarri:* Orrela egingo degu komeni dan lana,  
*Mattin:* Nik ere segitu bear lagunek errana,  
*Xalbador:* Biziri dadin pixka bat jana ta edana.

*Basarri:* Guk zerbait esan-eta jende dana irriz,  
*Mattin:* Gu ere etorriko gaituk leku unta berriz,  
*Xalbador:* Nik ere ez dut arantiko ixta bat ezbaiz,  
*Uztapide:* Bai ibilli baziñan oraingo ontan neurriz.

*Mattin:* Xalbador ez alda ba neurriz ibillia?

*Xalbador:* Eztaukat errukutirik gaurko itzulia.

*Uztapide:* Atzo bazun eraririk ezin estalia,

*Basarri:* Jaunari esker urruti daukat familia.

*Xalbador:* Zubek ere or ziñaten Xalbador bezala,

*Uztapide:* Ez det uste ni zu bezela jarri nintzala,

*Basarri:* Gauerako pentsatu xelebretu zala,

*Mattin:* Muxurtzen bai gu sarri nola edo ala.

*Uztapide:* Ori zerbait baldin bada gu bere lagunak,

*Basarri:* Noiznai eztira izaten olako egunak,

*Mattin:* Serioz ibiltzeko ez kai etorri aguna,

*Xalbador:* Ni txarra naizela baino auek ere ez unak.

- Basarri:* Moko beraka ziok or dagon txoria,
- Mattin:* Ori ere emateko da jaun aun etorria,
- Xalbador:* Orren kolorea zer da beltz edo oria?
- Uztapide:* Ez egiz tiroak emanda orrela eroria.
- Mattin:* Xalbador'ek ez aldaki tiroa tiratzen?
- Xalbador:* Uxoeri beintzat ez dut bertzerik bilatzen.
- Uztapide:* Nora tira bear zaion ez du begiratzen.
- Basarri:* Punteri ona daukanik nik ez dut pentsatzen.
- Xalbador:* Zuek tiratzen duzute naiko astiro
- Uztapide:* Nik ondo jotzia naita eman iten tiro
- Basarri:* Paris-era ez omen dator berriro
- Mattin:* Olako lagun artean ezta beti giro.
- Uztapide:* Beraz lagun tarte untan ez dago atsegin
- Basarri:* Olakoakin obe da batere ez itzegin
- Mattin:* Untsa mintza baño errexo baita emen utsegin
- Xalbador:* Kanta dezagun laster ta gero alde egin.
- Basarri:* Radiatua ote da gaurko saioa
- Mattin:* Nork estimatu bear dik onen balioa
- Xalbador:* Toki ontan bero bada zabaldu leioa.
- Uztapide:* Au kanpotik entzuteko ez da serioa.
- Mattin:* Denek ongi algaituzte emen konprenditzen?
- Uztapide:* Egiten bagaituzte ere ez gera arritzen
- Xalbador:* Gure aldak eta lanak ezta errez biltzen
- Basarri:* Bertsolariak nagusi dira gaur Paris'en.

Jaun andreak: orain saiaketa au ebakiko degu amar minutu inguru. Bainan motz aintzinetik, Etxaun jaunak nai ditu bertsoño batzuk zuzendu Oxobi zanaren omenez. Berak ez-paititu leno kantatu:

(Etxuan'en bertsorik ez dut ezertxo artu)

Irugarren «bobina».

Bigarren saiaketari asiera ematera goaz. Banan kantatuko dituzte bina bertso gai onetzaz: Euskal-Erritik kanpo beren etxea utzirik, Paris'era edo Ameriketara dijoan seme bateri zer konseillu eman lezaizkioken. Beste lerro ortatik asiko gera eta lehen-lehen Xalbador asiko zaizue.

**Xalbador:** Etxeko naiz bildutzen baina  
Uste zaitut azkenian,  
Oi seme, zure amentsak dire  
Aspalditik urrunean.  
Ez duzu egon nai izandu  
Geiago Euskal-lurrean,  
Zapi txikidun atzen au gabian  
Utzi duzun leku berian

Ene semia tristatzen naizu  
Erraiten dautzut egia,  
Eta nondikan atera diken  
Oroitu beti ahala.  
Amets ederrik eginen duzu  
Lotan zaudelarik gabaz  
An ondo bizi eta  
Oroitu beti Eskual-Erriaz.

**Mattin:** Aita batentzat lasa ditake  
Seme baten partiria.  
Len asko dan lekuan  
Gizon batek egin dezake bizia,  
Bainan goguan artu semia  
Aitak erakutsia:  
Biotzan barna atxi dezala  
Gurasoak eta etxia.



Seme bat partitzen delarik  
Aita dago penetan.  
Ezdula ikusiko ixtan bateko egunetan  
Bainan agur egiten dio  
Nigarra begietan:  
Eskualdun zintzo ibilli adi  
Leku guzietan.

*Basarri:*

Amerikara zoaz seme beriala  
Eta sifñistu zazu  
Miña artzen detala.  
Ogia jango dezu nola edo ala  
Betiko goguan izan  
Gu emen gaudela  
Eta etzazula aztu  
Euskaldun zerala.

Uzten dezu basua,  
Berbertan mendia,  
Eta bakar bakarrik  
Zure aita maitia.  
Egin bedi Jainkoak  
Dun borondatia  
Seme atxiki gogor  
Euskaldun legia  
Eta ez beintzat utzi  
Zere jatorrizko fedia.

*Uztapide:* Seme euskaldun bat doa  
kanpora etxetik,  
Ta aitak zertxo pena  
Duen biotzetik.  
Bere izena eman  
baizion sortzetik,  
Bere abenda ona  
Ez galtziagatik,  
Aren bidean segi  
bedio geroztik.

Dirua irabazten da  
Kanpoko langintzan  
Bañan ez seme aztu  
Utsaren perkisan;  
Seme on bat bezela  
Sar zaitetz eleizan,  
Lagunakin portatu  
Euskaldunen gisan,  
Ta gurasoak ere  
Ez aztuak izan.

Jaun andreak: Iduri zait bertsolariak erabili duten gai  
au garrantzi edo inportantzi aundikoa dela. Beraz, berriro,  
gai erabili aziko diet, baina beste modu batean. Aitak kon-  
sellua ematean bere ondoan izango du semea erantzuteko.  
Eta bestalde, amak bere ondoan izango du alaba. Bertsolari-  
en gogua guztiz azkarra baita, iduri zait; mementu batez  
ama izateko edo alaba izateko ez dute eragozpenik izango.  
Bainan suieta ez baita berdiña, nik emen bateri eman diot  
numeroz bata, bestiari bia; emango ditut binazka Basarri  
eta Mattin, Uztapide eta Xalbador.

Basarri da aita eta Mattin semia. Etxeko jaun da Basarri  
eta semea, Mattin, urruti partitzen zaio etxea utzita.

**Basarri:** Beti izandu zaitut  
Semerik maitena  
Orain zu joatiak  
Ematen dit pena  
Lutoan geldituko  
Zaigu etxe dena,  
Badakit urrutira  
Laxter zoazena;  
Etzazula zikindu  
Aitaren izena.

**Mattin:** Iri ibilliko nauzu  
Zuk eman bidian,  
Bañan gu ezin bizi  
Gaur erri berian.  
Ni beti ametsak  
Nabilka aidian,  
Gauzak ikusi nai  
Kanpoko aldi  
Nola bizi den jendia  
Mundu zabalian.

**Basarri:** Sarritan joan zaite  
Eliza bidera,  
Zure aita zarra joaten  
Zan oitura bera.  
Oroitzapena luza  
Andikan onera,  
Biar edo etzi aita  
Egiten bazera,  
Zure aur maitieri  
Erakutsi euskera.

*Mattin:* Ya abiatua naiz  
Mundu untan barna  
Konplitu nai baitut  
Goguan dedana,  
Gu gerta bagintzazke  
Aita eta ama,  
Eskuara irakustiak  
Badu sobra lana,  
Semia igorriko dut  
Aitatxirengana.

*Basarri:* Bear bada izanen  
Duzu milla neke,  
Bizimodua iñun  
Gaur eztago merke,  
Zu gizon ibiltzia  
Orixe nai nuke,  
Arrixku asko dago  
Ta begiak erne  
Besarkatutzen zaitut  
Eta agur seme.

*Mattin:* Orai ba bertziaren  
Uztera goazan,  
Munduan urte batzuk  
Nai nituzke pasan,  
Beti aita leiala  
Zu izandua za  
Baldin nolakoa naizen  
Oroitutzen ba'za  
Semian izan beti konpiantza.

Uztapide ama eta Xalbador alaba:

*Uztapide:* Zu sortu ziñanetik  
Ni naiz zure ama,  
Lenbiziko asnasakin  
Nintzan zuregana.  
Jaiotzatik doaia  
Ustez nun emana,  
Orain kanpotan egin  
Bear dezu lana,  
Goguan artu zazu  
Gaur amak esana.

*Xalbador:* Gure Jaunak zerutik  
Urrika gaitzala,  
Saia gaiten ortara  
Guk egin ahala.  
Badakizu betitik  
Zurea naizela,  
Nauzuke arkitu  
Semean itzala  
Nik etzaitut utziko  
Semiak bezala.

Ez dute ene iritziz ondo konprenditu. Uztapide da etxian gelditzen dan ama eta Xalbador urrutira dijoan alaba. Kantatu duten bertsuak ez dute balio eta berriro asten dira:

*Uztapide:* Lenak balio ezpadu  
Asiko naiz berriz,  
Alaba, oraingo au,  
izango da egiz.  
Zugan bustitzen nago  
malkoz ta izerdiz,  
Beti gogora zaitetz  
Begirapen aundiz,  
Len esan dizudana  
Makiñabat aldiz.

**Xalbador:** Eztu balio ama  
Astia negarrez.  
Beti izandu zira  
Aundia indarrez.  
Atzotan idukia  
Kontu eta parrez  
Etxian bizi ginen  
Bizimodu txarrez,  
Nola daukazun karga  
Arindu bearrez.

**Uztapide:** Etxeko pekatu-rik  
Ezleike estali,  
Erantzun txarra alaba  
Ez dezu biali.  
Bai, ez gendun egitan  
Egunero bijilik,  
Egonduagatikan  
Sei zazpi pamili.  
Zu an bear badezu ere  
Itxuran ibilli.

**Xalbador:** Joaiteko itzaia  
Lengoan dut artu,  
Itzultzen naizeneko  
Ez otoitza aztu,  
Zuen karga nai nuen  
Parte bat nik artu,  
Ezin bizia baizen  
Etxian maiz aitu,  
Gaurtik goiti alabak  
Lagunduko zaitu.

*Uztapide:* Bizi bearrak ditu  
Milla eginkizun  
Badakit alaba nik  
Zer esan diazun.  
Kanpoan ere izan  
Zazula osasun,  
Badakizu zer pena  
Ematen didazun,  
Goguan izan bularra  
Zeñek eman zizun.

*Xalbador:* Ez da txista ematen  
Ez dun elorririk,  
Kasik urriki izan naiz  
Mundura etorririk,  
Ama etzinuen zuk  
Penaren bearrik  
Nai etzaizut egingo  
Egitate txarrik,  
Maitatuko zaitut-ta  
Ez egin negarrik.

*Uztapide:* Nik eman dizut zuri  
Munduan argia,  
Badakizu alaba  
Au dala egia.  
Zuk joan bearrak nauka  
Negarrez jarria,  
Ez izan beintzat mutil  
Zarraren nobia,  
Bestela galdu da ama  
Ta Euskal-Erria.

*Xalbador:* Ezkontzaren berriak  
Indaizke onduan,  
Beintzat egun eztaukat  
Olakoik goguan.  
Artaz ere leiaren  
Beartzerakuan,  
Balia zaizkit ama  
Aitaren onduan  
Nola Ama Birjiña  
Eiten den zeruan.

Aski orain gai seriosoekin. Berriro par pixka bat egiten asi bear degu. Bada gai bat Urruñe'n erabilli zutena; etzait atsegin gai bera berriro ematea, bainan Urruñe'n gai ori erabilli zutenak Basarri eta Mattin izan ziran. Beraz ongi da egun gai ori Uztapide'ri eta Xalbadorreri ematea. Badakizute emazteak izaten dutela batzuetan gona luziaren moda eta bes-tetan izaten dutela gona motxarena; berak jakingo dute zergatik. Uztapide'k kantatuko du gona luziaren alde eta Xalbador'ek gona motzaren alde. Eta oar bat egin nai nizuteke. Ikusi duzute nolako gai seriosoa erabilli duten aistian bertsolariak; gai berri onek erakutsiko dizute noraño irixten dan bertsolariaren doaia, zeñen errazki pasatzen dan suieta batetik bestera. Lenago biotza samurtu digute; orain irriz lertu eraziko gaituzte. Badakizute danok gona zer dan prantsesez: *jupe*. Beraz Uztapide'k erabilliko du itz au: gona, ezbaitu beste itzik ezagutzen. Kontu artuko dezute ba: Uztapide gona erraten badu erran nai du zaia.

*Uztapide:* Len serio giñan  
Baño orain datoz bromak,  
Aztu dirade emengo  
Izketa sakonak.  
Xalbador'i gustatzen zaizka  
Motzak gonak,  
Baño oiek negurako  
Ez dirade onak.



*Xalbador:* Nola neska gaztiak  
Ezpaitauke otzik,  
Eta bere edertasunak  
Gorde ezin atzik.  
Gonak ezditzala gorde  
Pantorrillak baizik,  
Gaiñekoak ez dira  
Trabatzeke baizik.

*Uztapide:* Euskaldunentzako izan  
Leike beti lotsa,  
Soñian jantzitzia  
Oso gona motza.  
Bildurrez jartzen zait  
Neroni biotza,  
Sartuko zaizutela  
Ilbeltzeko otza .

*Xalbador:* Ez pentsa gona motzekin  
Nabillela merkez,  
Politago izateko  
Nabil nere ustez.  
Luzeak diranean  
Korritzen da nekez  
Ta orrek andria zartzen du  
Ogeitabat urtez.

*Uztapide:* Gazte ez dira urte  
Askoan biziak  
Nik era askotakoak  
Ditut ikusiak  
Gona luziak dirala  
Jaunari graziak  
Orrek tapatzen ditu  
Gauza itxusiak.

*Xalbador:* Nik eztut erabilliko  
Oin luzeko gonik,  
Orrela ez dut billatu  
Espero gizonik.  
Ez egin jaun Uztapide  
Orrengatik penik,  
Zuk zango itxusia duzu  
Nik ez dut obenik.

*Uztapide:* Ara gonaren kontuan  
Nolako naspillak,  
Nik bezela ikusten du  
Neska au millak,  
Erakusten baditu  
bere pantorrillak  
Izutu eta igesi  
Joango ia mutillak.

*Xalbador:* Gaur gai asko erostia  
Ez da berriketa,  
Ni gona motzakin nabil  
Ez ortaz kinketa,  
Gona luziak asko  
Oial bear du eta,  
Nik artarik egiten dut  
Gona ta txaketa.

*Uztapide:* Azkenekoa dijoa ta  
Igesi esperoan,  
Gona motza da  
Denbora beroan,  
Baño otzak iltzen beti  
Ilbetz-Abenduan,  
Ola ibilli ta gañera  
Sartu ezin zeruan.

(Sail ontan bada Xalbador'en beste bertso bat, azkenekoa, artu ezifiekoko izan zait. Eta saiaketaren bukaera dator, baño azken «bobina» mutu atera da.)